

Ո Ր Ո Շ ՈՒ Մ
ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

« 27 » *օգոստոս* 2020թ.

N *Վ-34/22*

1. Վարչական իրավախախտման վերաբերյալ գործի նկարագրությունը, վարչական ակտն ընդունելու համար հիմք հանդիսացող փաստերը.

Երևանի քաղաքապետարանի աշխատակազմի քաղաքաշինության և հողի վերահսկողության վարչության աշխատակից Ջ. Փեփոյանի կողմից 15.03.2020 թվականին հայտնաբերվել է Վարչական իրավախախտումների վերաբերյալ օրենսգրքի (հետայսու՝ Օրենսգիրք) 154-րդ հոդվածի 1-ին մասով նախատեսված վարչական իրավախախտում, մասնավորապես՝ քաղաքացի Էդուարդ Արթուրի Մարգարյանի կողմից Քրիստափորի փողոցի 2-րդ փակուղիի հ.2 հասցեում ինքնակամ իրականացվել է բնակելի տան վերակառուցման, մասնավորապես՝ արտաքին պատերի և տանիքի կառուցման շինարարական աշխատանքներ, որի վերաբերյալ 16.03.2020 թվականին կազմվել է վարչական իրավախախտման վերաբերյալ թիվ 034006 արձանագրությունը (հետայսու՝ արձանագրություն):

Որպես իրավախախտման փաստը հաստատող ապացույց, իրավախախտման հայտնաբերման պահին լուսանկարվել է իրավախախտման վայրը:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ:

Նկատի ունենալով այն հանգամանքը, որ աշխարհում և Հայաստանի Հանրապետությունում նոր կորոնավիրուսային հիվանդության տարածման կապակցությամբ ՀՀ կառավարության 2020 թվականի մարտի 16-ի «Հայաստանի Հանրապետությունում արտակարգ դրություն հայտարարելու մասին» թիվ 298-Ն որոշմամբ հայտարարվել է արտակարգ դրություն՝ Հայաստանի Հանրապետության ամբողջ տարածքում՝ 2020 թվականի մարտի 16-ից ժամը 18:30-ից սկսած, մինչև 2020 թվականի ապրիլի 14-ը՝ ժամը 17:00-ն ներառյալ ժամկետով, որին հաջորդել է Հայաստանի Հանրապետության ամբողջ տարածքում հայտարարված արտակարգ դրության գործողության ժամկետը երկարաձգելու մասին ՀՀ կառավարության 2020 թվականի ապրիլի 13-ի թիվ 543-Ն որոշումը, համաձայն որի արտակարգ դրության գործողության ժամկետը երկարաձգվել է մինչև մայիսի 14-ը՝ ժամը 17:00-ն ներառյալ, հետևաբար հարուցված վարչական վարույթը «Վարչարարության հիմունքների և վարչական վարույթի մասին» օրենքի 49-րդ հոդվածի 2-րդ մասի հիմքով 23.03.2020 թվականի հ. Վ-12/7 որոշմամբ կասեցվել է մինչև 2020 թվականի ապրիլի 14-ը՝ ներառյալ, իսկ 15.04.2020 թվականի հ. Վ-15/223 որոշմամբ՝ հարուցված վարչական վարույթի կասեցման ժամկետը երկարաձգվել է մինչև 2020 թվականի մայիսի 14-ը՝ ներառյալ: Նշված ժամկետային ընդունված որոշումները ներկայումս հանդիսանում են ուժը կորցրած իրավական ակտեր:

Հաշվի առնելով այն հանգամանքը, որ Հայաստանի Հանրապետության կառավարության 2020 թվականի ապրիլի 14-ի թիվ 543-Ն որոշմամբ Հայաստանի Հանրապետությունում հայտարարված արտակարգ դրության ժամկետը Հայաստանի Հանրապետության կառավարության 2020 թվականի մայիսի 14-ի թիվ 729-Ն որոշմամբ երկարաձգվել է մինչև 2020 թվականի հունիսի 13-ը՝ ժամը 17:00-ն ներառյալ ժամկետով, սակայն նկատի ունենալով այն հանգամանքը, որ Հայաստանի Հանրապետության պարետի կողմից ազատ տեղաշարժի խիստ սահմանափակումները վերացվել են, հետևաբար վերացել է սույն վարչական վարույթի կասեցման համար հիմք դարձած հանգամանքները:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը քաղաքացի Էդուարդ Արթուրի Մարգարյանի մասնակցությունը ապահովելու նպատակով Երևանի քաղաքապետարանի կողմից միջոցներ են ձեռնարկվել քաղաքացի Էդուարդ Արթուրի Մարգարյանին Երևանի քաղաքապետարանում կայանալիք նիստերի վերաբերյալ ծանուցելու համար, սակայն ծանուցագրերը չեն հանձնվել՝ վերջինիս չհայտնաբերելու պատճառով կամ ծանուցագրերը մինչ օրս չեն վերադարձվել, իսկ քաղաքացին չի ներկայացել Երևանի քաղաքապետարան:

Հաշվի առնելով, որ Վարչական իրավախախտումների վերաբերյալ օրենսգրքի դրույթներով չեն կանոնակարգվում վարչական իրավախախտման վերաբերյալ վարույթների կասեցման դեպքերը, հիմքերն ու կարգը, և այդպիսի կարգավորումները սահմանվում են «Վարչարարության հիմունքների և վարչական վարույթի մասին» օրենքով (հետայսու՝ Օրենք), ուստի ղեկավարվելով Օրենքի 49-րդ

հողվածի 1-ին մասի «բ» կետով՝ 16.03.2020 թվականին կազմված հ. 034006 արձանագրության հիման վրա հարուցված վարչական վարույթը 25.06.2020 թվականի հ. Վ-25/91 որոշմամբ կասեցվել է:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը քաղաքացի Հղուարդ Արթուրի Սարգսյանի մասնակցությունը ապահովելու նպատակով Երևանի քաղաքապետարանի կողմից կրկին միջոցներ են ձեռնարկվել քաղաքացի Հղուարդ Արթուրի Սարգսյանին Երևանի քաղաքապետարանում կայանալիք նիստերի վերաբերյալ ծանուցելու համար, սակայն ծանուցագրերը չեն հանձնվել՝ քաղաքացուն չհայտնաբերելու պատճառով և հետ են վերադարձվել:

Վարչական իրավախախտման գործի վերաբերյալ 19.08.2020 թվականի հ. Վ-33/59 որոշումով քաղաքացի Հղուարդ Արթուրի Սարգսյանի նկատմամբ կասեցված վարչական վարույթը վերսկսվել է:

Վարչական իրավախախտման գործի վերաբերյալ 19.08.2020 թվականի հ. Վ-33/70 որոշումով կասեցվել է 16.03.2020 թվականին քաղաքացի Հղուարդ Արթուրի Սարգսյանի նկատմամբ 16.03.2020 թվականին կազմված հ. 034006 արձանագրության հիման վրա հարուցված վարչական վարույթը:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը քաղաքացի Հղուարդ Արթուրի Սարգսյանի մասնակցությունն ապահովելու նպատակով Երևանի քաղաքապետարանի կողմից կրկին միջոցներ են ձեռնարկվել քաղաքացի Հղուարդ Արթուրի Սարգսյանին Երևանի քաղաքապետարանում 27.08.2020 թվականին կայանալիք նիստին ծանուցելու համար:

Երևան քաղաքի Կենտրոն վարչական շրջանի ղեկավարի 20.08.2020 թվականի հ. 23/35-82049 գրության համաձայն՝ քաղաքացի Հղուարդ Արթուրի Սարգսյանին հանձնվել է Երևանի քաղաքապետարանում 27.08.2020 թվականին ժամը 11:00-ին կայանալիք նիստին մասնակցելու մասին ծանուցումը:

Քաղաքացի Հղուարդ Արթուրի Սարգսյանը ծանուցված լինելով 27.08.2020 թվականին կայանալիք գործի քննության տեղի և ժամանակի մասին չներկայացավ, ուստի Օրենսգրքի 267-րդ հոդվածի 1-ին մասի համաձայն գործը քննվեց վերջինիս բացակայությամբ:

Գործի քննության ընթացքում՝ որպես մեկ համակցություն, հետազոտվեցին արձանագրությունը, անշարժ գույքի նկատմամբ իրավունքների պետական գրանցման վկայականի պատճենը, Երևանի քաղաքապետարանի աշխատակազմի քաղաքաշինության և հողի վերահսկողության վարչության պետի 26.05.2020 թվականի հ. 19/30260, 21.07.2020 թվականի հ. 19/30260 գրությունները, Երևան քաղաքի Կենտրոն վարչական շրջանի ղեկավարի 24.06.2020 թվականի հ. 23/35-59516, 20.08.2020 թվականի հ. 23/35-82049 գրությունները և իրավախախտման լուսանկարը:

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում հիմնավորվեց, որ քաղաքացի Հղուարդ Արթուրի Սարգսյանի կողմից սեփականության իրավունքով իրեն պատկանող Երևան քաղաքի Քրիստափորի փողոցի 2-րդ փակուղիի հ. 2 հասցեում ինքնակամ իրականացվել է բնակելի տան վերակառուցման՝ արտաքին պատերի և տանիքի կառուցման շինարարական աշխատանքներ: Իրականացված շինարարական աշխատանքներն ընդգրկված չեն ՀՀ կառավարության 19.03.2015թ. թիվ 596 որոշմամբ սահմանված կարգի 4-րդ հավելվածի 1-ին ցանկի 2-րդ և 3-րդ բաժիններում նկարագրված շինարարության թույլտվություն չպահանջող աշխատանքներում:

Քաղաքացի Հղուարդ Արթուրի Սարգսյանի կողմից թույլ է տրվել Օրենսգրքի 154-րդ հոդվածի 1-ին մասով նախատեսված վարչական իրավախախտում:

2. Վարչական ակտ ընդունելու հիմնավորումները.

Օրենսգրքի 9-րդ հոդվածի համաձայն՝ Վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ոտնձգվող հակաիրավական, մեղավոր (դիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան:

Օրենսգրքի 154-րդ հոդվածի 1-ին մասի 1-ին պարբերության համաձայն՝ սեփականության կամ հողօգտագործման իրավունք ունեցող անձանց կողմից այդ հողամասի վրա շենքեր և շինություններ ինքնակամ կառուցելը, ինչպես նաև բազմաբնակարան շենքերում կամ շենքերին կից ինքնակամ

կառույցներ կատարելը առաջացնում է տուգանքի նշանակում՝ սահմանված նվազագույն աշխատավարձի երկու հարյուրապատիկի չափով:

Օրենքի 1-ին հոդվածի համաձայն՝ սույն օրենքը սահմանում է վարչարարության հիմունքները, կարգավորում է վարչական ակտեր ընդունելու, վարչական ակտերը, վարչական մարմինների գործողությունները և անգործությունը բողոքարկելու, վարչական ակտի կատարման, վարչական ծախսերի, ինչպես նաև վարչարարությամբ հասցված վնասի հատուցման հետ կապված՝ վարչական մարմինների և ֆիզիկական կամ իրավաբանական անձանց (այսուհետ՝ անձինք) միջև ծագած հարաբերությունները:

Օրենքի 49-րդ հոդվածի 1-ին մասի «բ» կետի համաձայն՝ վարչական մարմինը պարտավոր է կասեցնել վարչական վարույթը, եթե վարույթին չի ներկայացել վարչական ակտի հասցեատերը, իսկ օրենքը բացառում է առանց նրա ներկայության համապատասխան վարչական ակտ ընդունելը:

Օրենքի 49-րդ հոդվածի 3-րդ մասի 2-րդ պարբերության համաձայն՝ սույն հոդվածի 1-ին մասի «բ» և «գ» կետերով, ինչպես նաև 2-րդ մասով նախատեսված դեպքերում վարչական վարույթը վերսկսվում է դրա կասեցման հիմք դարձած հանգամանքները վերանալուց հետո, բայց ոչ ուշ, քան կասեցման մասին որոշում ընդունելու օրվանից հետո 60 օրը լրանալը:

Ելնելով վերոգրյալից և ղեկավարվելով Օրենսգրքի 23-րդ հոդվածի 2-րդ կետով, 154-րդ հոդվածի 1-ին մասով, 219.1-րդ, 252-րդ, 281-րդ և 282-րդ հոդվածներով, Օրենքի 49-րդ հոդվածի 1-ին մասի «բ» կետով, 3-րդ մասի 2-րդ պարբերությունով, Երևանի քաղաքապետի 14.02.2020 թվականի թիվ 460-Ա որոշմամբ՝

ՈՐՈՇԵՑԻ

1. Քաղաքացի Էդուարդ Արթուրի Սարգսյանի նկատմամբ 19.08.2020 թվականի հ. Վ-33/70 որոշմամբ կասեցված վարչական վարույթը վերսկսել:

2. Քաղաքացի Էդուարդ Արթուրի Սարգսյանին Օրենսգրքի 154-րդ հոդվածի 1-ին մասով ենթարկել վարչական պատասխանատվության՝ նշանակելով վարչական տույժ 200.000 (երկու հարյուր հազար) ՀՀ դրամ գումարի չափով:

3. Նախազգուշացնել քաղաքացի Էդուարդ Արթուրի Սարգսյանին, որ շինարարական աշխատանքներն ինքնակամ շարունակվելու դեպքում այն կառաջացնի վարչական տուգանք 2.500.000 ՀՀ դրամ գումարի չափով:

4. Օրենսգրքի 305-րդ հոդվածի համաձայն տուգանքը պետք է վճարվի սույն որոշումը իրավախախտում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական գանձապետարանի N 900015211239 հաշվեհամարին:

5. Սույն որոշումը կարող է բողոքարկվել վարչական կարգով՝ որոշումն ուժի մեջ մտնելուց հետո երեսուն օրվա ընթացքում, իսկ դատական կարգով՝ երկամսյա ժամկետում:

ԵՐԵՎԱՆԻ ՔԱՂԱՔԱՊԵՏԱՐԱՆԻ
ԱՇԽԱՏԱԿԱԶՄԻ ՎԱՐՇԱԿԱՆ
ԻՐԱՎԱՆԱԽՏՈՒՄՆԵՐԻ ՎԵՐԱԲԵՐՅԱԼ
ԳՈՐԾԵՐԻ ՔՆՆՈՒԹՅԱՆ ԲԱԺՆԻ ՊԵՏ՝

ԱՐԱՄ ԱԲՈՎԵԱՆ

